

Вахабов Абдурахим Васикович,
иктисод фанлари доктори, профессор,
Ўзбекистон Миллий университети
"Макроиктисодиёт" кафедраси мудири

Дусмухамедов Ойбек Суратбекович,
иктисодиёт фанлари бўйича фалсафа доктори
(PhD), Ўзбекистон Миллий университети
"Макроиктисодиёт" кафедраси ўқитувчиси

МОЛИЯВИЙ САВОДХОНЛИК ТУШУНЧАСИННИГ НАЗАРИЙ АСОСЛАРИНИ ТАКОМИЛЛАШТИРИШ

УДК: 336

**ВАХАБОВ А.В., ДУСМУХАМЕДОВ О.С. МОЛИЯВИЙ САВОДХОНЛИК ТУШУНЧАСИННИГ
НАЗАРИЙ АСОСЛАРИНИ ТАКОМИЛЛАШТИРИШ**

Ушбу мақолада мамлакатимизда аҳолининг молиявий саводхонлик даражасини ошириш бўйича қабул қилинаётган меъёрий ҳужжатлар мазмуни ва уларнинг устувор йўналишлари баён этилган. Шунингдек молиявий саводхонликка бағишлиланган ва хорижий ҳамда маҳаллий олимларнинг илмий ишлари таҳлили амалга оширилган. «Молиявий саводхонлик» тушунчаси молиявий қарорларни қабул қилиш имконини берувчи молиявий-иктисодий билим, кўникма ва малакаларга эга бўлиш асосида, уларнинг таркибий қисмлари тавсифланган ҳолда тафсил қилинган. Молиявий саводхонлик йўналишлар бўйича гурухланган. Шу билан бир қаторда мамлакатимиз аҳолисининг молиявий саводхонлигини шакллантириш ва унинг амалга ошириш механизмини яратиш ва унинг самарадорлигини оширишга қаратилган илмий таклиф ва амалий тавсиялар берилган.

Асосий тушунчалар: молиявий саводхонлик, молиявий билим, молиявий кўникма ва малака, молиявий саводхонлик мезонлари, молиявий компетентлик, марказий ва тижорат банклари, давлат дастурлари.

**ВАХАБОВ А.В., ДУСМУХАМЕДОВ О.С. СОВЕРШЕНСТВОВАНИЕ ТЕОРЕТИЧЕСКИХ ОСНОВ
ПОНЯТИЯ ФИНАНСОВОЙ ГРАМОТНОСТИ**

В статье раскрыто содержание принятых в нашей стране нормативных документов по повышению уровня финансовой грамотности населения и их приоритеты. Также анализируются научные работы зарубежных и отечественных ученых, посвященные финансовой грамотности. На изученных финансово-экономических знаний, навыков и квалификации, позволяющих принимать финансовые решения, посредством характеристики их составных частей обсуждено понятие «финансовая грамотность» и внесены авторские трактовки этой экономической категории. Финансовая грамотность сгруппирована по направлениям. При этом были даны научные предложения и практические рекомендации, направленные на формирование финансовой грамотности населения нашей страны и создание механизмов ее реализации и повышения ее эффективности.

Основные понятия: финансовая грамотность, финансовые знания, финансовые навыки и квалификация, критерии финансовой грамотности, финансовая компетентность, центральные и коммерческие банки, государственные программы.

VAKHABOV A.V., DUSMUKHAMEDOV O.S. IMPROVING THE THEORETICAL FOUNDATIONS OF THE CONCEPT OF FINANCIAL LITERACY

In the article is discussed the content of the normative documents adopted in our country to improve the level of population's financial literacy. As well there is analyzed international and domestic scientists' investigations devoted to financial literacy. Based on the availability of financial and economic knowledge, skills and qualifications that allow making financial decisions, the concept of «financial literacy» has been discussed by characterizing their components. Financial literacy is grouped by areas. At the same time, scientific proposals and practical recommendations were given aimed at development the financial literacy of the population of the country and creating mechanisms for its implementation and increasing its effectiveness.

Basic concepts: financial literacy, financial knowledge, financial skills and qualifications, financial literacy criteria, financial competence, central and commercial banks, government programs.

Кириш. «Covid-19» пандемияси шароитида дунё ҳамжамиятининг олдида турган ижтимоий-иктисодий масалалар таркибида аҳолининг молиявий саводхонлигини оширишга қаратилган тизими чора-тадбирларга устуворлик қаратилди. Халқаро ташкилотлар эксперталари томонидан амалга оширилган тадқиқотлар натижаларига кўра, «дунёда, шу жумладан, G20 гурӯҳига аъзо мамлакатлар аҳолисининг аксарияти асосий молиявий маҳсулотлар ва ушбу маҳсулотлар билан боғлиқ рисклар юзасидан етарли билимга эга эмаслиги аниқланди» [10]. Шунингдек, «Иктиносий Ҳамкорлик ва Тараққиёт Ташкилотига аъзо мамлакатлар аҳолисининг 56,8 фоизи молиявий саводхонлик даражасини аниқлаш мақсадида ўтказилган сўровномаларда минимал балл тўплаган» [11]. Халқаро эксперталарнинг фикрича, бугунги кунда аҳолининг молиявий саводхонлиги даражасини ошириш мамлакатнинг ижтимоий-иктисодий фаровонлигини таъминлаш ва барқарор иктиносий ўсишга эришишнинг муҳим шарти ҳисобланади.

Ривожланган мамлакатлarda аҳолининг молиявий саводхонлик даражасини оширишнинг назарий жиҳатларини такомиллаштириш ва миллий давлат дастурлари самарадорлигини ошириш борасидаги илмий изланишларга устуворлик берилган ҳолда, бозор иктиносидёти шаклланаётган мамлакатларда аҳолининг молиявий саводхонлиги даражасини ошириш бўйича давлатнинг мақсадли дастурларини ишлаб чиқиш, уларни амалга ошириш механизмини такомиллаштириш, молиявий саводхонлик дастурларини бозор иктиносидёти компонентлари билан бойитиш, аҳолининг молиявий саводхонлиги даражасини оширишда молиявий ташкилотлар, жумладан, тижорат банкларининг мавқеини мустаҳкамлашга бағишлиланган илмий тадқиқотлар янада фаоллашмоқда.

Ўзбекистонда мустақиллик йилларида бозор иктиносидёти талаблари асосида молия тизими

шаклланди ва мунтазам такомиллашиб бормоқда. «Аҳоли ва тадбиркорлик субъектларининг молиявий саводхонлигини ошириш, уларни молиявий хизматлар ва маҳсулотлар, жумладан, капитал бозорини молиявий инструментлар ҳақида хабардор қилиш билан боғлиқ ташабbusларни ҳамжиҳатлиқда амалга оширган ҳолда мутасадди ташкилотлар билан фаол ҳамкорликни йўлга қўйиш» [1] бўйича муҳим вазифалар белгилаб берилган ҳамда «2021-2023 йилларда капитал бозори иштирокчиларининг молиявий саводхонлик соҳасидаги малакасини ошириш» кўзда тутилган [2]. Миллий иктиносидёти модернизациялаш ва рақамли иктиносидёти ривожлантириш шароитида молия бозорининг амал қилиши, аҳолига кўрсатиладиган молиявий хизматлар ва ишлаб чиқарилаётган молиявий маҳсулотларнинг сифатини такомиллаштиришда аҳолининг молиявий саводхонлик даражасини оширишнинг устувор йўналишларига бағишлиланган чуқур илмий тадқиқотларни олиб бориш мамлакат иктиносидётини барқарор ривожлантириш ва унинг рақобатбардошлиги даражасини оширишда муҳим аҳамият касб этади.

Ўзбекистон Республикаси Президентининг 2018 йил 9 январдаги «Ўзбекистон Республикаси Марказий банкининг фаолиятини тубдан такомиллаштириш чора-тадбирлари тўғрисида»ги ПФ-5296-сон, 2021 йил 13 апрелдаги «Капитал бозорини янада ривожлантириш чора-тадбирлари тўғрисида»ги ПФ-6207-сон [1], 2022 йил 28 январдаги «2022-2026 йилларга мўлжалланган Янги Ўзбекистоннинг тараққиёт стратегияси тўғрисида»ги ПФ-60-сон Фармонлари [2], 2019 йил 23 июлдаги «Микромолиявий хизматлар оммаболлигини ошириш чора-тадбирлари тўғрисида»ги ПҚ-4400-сон қарори [3], Молиявий хизматлар оммаболлигини ошириш миллий Стратегиясини ишлаб чиқиш ва келгусида амалга ошириш бўйича Мувофиқлаштирувчи

кенгаш томонидан тасдиқланган «2021-2023 йилларга мүлжалланган Молиявий хизматлар оммабоплигини ошириш миллый Стратегияси» [13] ва башқа норматив-хуқуқый хужжатларда белгиланган вазифаларни амалга оширишда ушбу тадқиқот иши муайян даражада хизмат қиласы.

Адабиётлар таҳлили. Аҳолининг молиявий саводхонлигини ошириш зарурияти 2008 йилда содир бўлган жаҳон молиявий-иқтисодий инқирозининг сабаблари ва унинг салбий оқибатларида яққол намоён бўлди. Жумладан, аксарият ривожланган мамлакатларда ташқи қарзнинг ортиши, ортиқча рискни ўз зиммасига олиш ва рискни бошқаришдаги нуқсонлар, молия секторида молиявий активлар, реал активлар баҳосининг холисона шаклланишига салбий таъсир кўрсатди [5]. Булар қуидагиларда намоён бўлди:

- қатор ривожланган мамлакатларда молиявий инновацияларнинг барқарор суръатларда ривожланиши, молиявий маҳсулотлар ҳажмининг ортиши ва қулай шартларда ички ҳамда ташқи молиялаш манбалари орқали истеъмол мақсадларидағи қарздорликнинг ортишига олиб келди;
- ривожланаётган мамлакатларда молиявий секторнинг етарли даражада ривожланмагани ортиқча жамғармаларнинг ривожланган мамлакатлар иқтисодиётидаги дефицитини молиялаштиришга йўналтирилишига сабаб бўлди;
- халқаро валюта тизимидағи асимметрия: Бреттон Вудс тизими таназзулидан сўнг ривожланган мамлакатларда валюта курсининг эркин сузиш режимини жорий этган ҳолда, аксарият ривожланаётган мамлакатларнинг бошқариладиган сузиш режимидан фойдаланаётганлиги.

Юқоридагиларга асосланган ҳолда молиявий-иқтисодий муносабатларнинг барқарор ривожланишида аҳолининг молиявий саводхонлигини ошириш долзар глобал муаммога айланмоқда.

Иқтисодий адабиётда XX асрнинг 80 йилларидан бошлаб аҳолининг молиявий саводхонлигини оширишга бағишинанган илмий-амалий тадқиқотлар фаоллаша бошлади. Қуидаги жадвалда иқтисодий ва молиявий саводхонлик тушунчаларига иқтисодий адабиётда берилган таърифларнинг ўзига хос жиҳатлари ўрганилди.

Молиявий саводхонлик тушунчасига билдирилган назарий қарашларнинг мазмуни турлича бўлсада, уларнинг ягона ғояси – бу инсон молиявий мустақиллигини ва фаровонлигининг асосий шарти бу унинг молиявий саводхонлиги билан боғлиқлигини таъкидлашган. Аҳолининг молиявий саводхонлигини ошириш бўйича

давлатлар томонидан ишлаб чиқилаётган турли стратегия, концепция, дастур ва чора-тадбирларни мукаммал ишлаб чиқиш ва уни амалиётга самарали татбиқ этишда молиявий саводхонликнинг назарий асослари муҳим аҳамиятга эга.

Тадқиқот методологияси. Тадқиқот жараёнида тизимли таҳлил, тарихийлик ва мантиқийлик, танланма сўровнома, индукция ва дедукция, анализ ва синтез, қиёсий ва селектив танлаб тадқиқ қилиш, монографик таҳлил ва гурухлаш, эконометрик таҳлил ва прогнозлаштириш усуллари қўлланилган.

Таҳлил ва натижалар муҳокамаси (асосий қисм). Молиявий муносабатлар замонавий инсон ҳаётининг барча соҳаларига таъсир қиласы. Молиявий саводхонлик инсонга ўзининг молиявий фаровонлигини бошқариш имконини беради. Элементар молиявий билим ва кўникмаларга эга бўлмаслик инсонларнинг молиявий фаровонлигини таъминлашда тўғри қарорлар қабул қилиш қобилиятини чеклайди.

Микро миқёсида аҳолининг молиявий саводхонлиги даражасининг пастлиги, иқтисодий оқибатлари ва хавф-хатарлари, молиявий систеъмолликлар сонининг кўпайиши, аҳоли томонидан кредит қарздорлик даражасининг ортиши ва шахсий жамғармаларнинг самарасиз тақсимланишида намоён бўлади.

Макроиқтисодий даражада молиявий саводхонликнинг қуий даражаси молия бозорларининг ривожланишига тўқсинглик қиласы. Жумладан, молия институтлари ва уларни тартибга солиш бўйича давлат сиёсатига бўлган ишончни пасайтиради, барча даражадаги бюджетларга қўшимча босимларни келтириб чиқаради ва иқтисодий ўсишнинг пасайшига олиб келади. Фуқароларнинг молия бозорларидағи билимлари ва ишончнинг йўқлиги, шартнома муносабатлари ва молиянинг базавий асосларини билмаслик тадбиркорлик ва кичик бизнеснинг ривожланишига тўқсинглик қиласы: одамлар қандай қилиб бизнес бошлашни, бизнес лойиҳасини ташкил қилишни билмайдилар.

Фикримизча, аҳолининг молиявий саводхонлиги даражасини тўғри ва аниқ таҳлил қилиш учун унинг кўламидан келиб чиқсан ҳолда тадқиқотларни амалга оширишни мақсадга мувофиқ деб ҳисоблаймиз. Таҳлиллар кўламини индивидуал, хонадон хўжалиги, ҳудуд, бизнес, маълум бир иқтисодиёт тармоғи бўйича, яхлит давлат бўйича гурухларга ажратиш мақсадга мувофиқ (1-расмга қаранг). Бу турдаги гурухлашни амалга ошириш орқали аҳоли иқтисод ва молия / экономика и финансы 2022, 5(153)

1-жадвал. «Иқтисодий ва молиявий саводхонлик» тушунчаларига берилган таърифларни ривожланиш эволюцияси


Муаллифлар	Таъриф	Ўзига хос хусусиятларининг таҳлили
Вебер М. [6]	«Инсоннинг иқтисодий хулқи – субъект томонидан унинг эга бўлган ресурслар устидан назоратининг маданийлашган усули бўлиб, субъектив ва объектив равишда ресурсларнинг иқтисодий нафлилиги нуқтаи назаридан ресурслар устидан назоратни амалга оширади»	Аҳолининг молиявий саводхонлиги инсон молиявий хулқ-атворининг ажралмас қисми ҳисобланади ва иқтисодий саводхонлик билан ўзаро мутаносиблиқда бўлади.
Друкер П. [4]	«Шахснинг иқтисодий-молиявий саводхонлиги даражаси унинг бозордаги товар ва хизматлар билан пулга нисбатан муносабатини белгилайди.	Молиявий саводхонлик иқтисодий саводхонлик билан боғлиқ тушунча бўлиб, инсоннинг ҳаётий фаолияти жараёнида шаклланади ва ривожланади.
Кийосаки Р. [8]	«Молиявий саводхонлик иқтисодий-молиявий билимларнинг самараси бўлиб, дастлаб пул топиш, жамғариш, онгли равишда жамғармани юқори самарадорликка эга инвестицияга йўналтириши, даромадини ошириши ва ўз ҳаётининг яхшилаши билан изоҳланади.	Инсоннинг молиявий саводхонлиги пул маблағларини ишлаб топиш, жамғариш, уни кўпайтириш мақсадида самарали инвестиция қарорларини қабул қилиш билан боғлиқ.
Ли.Н. [7]	Молиявий саводхонлик бу ахборот ёки имкониятлардан кўра кўпроқ бўлган маънони англатади. Молиявий саводхонлик бўйича таълим тадбирлари кўп қиррали бўлиши ва фақатгина расмий таълим тизимида ўқийдиган болалар ҳамда катталар таълими доирасида белгиланиши керак.	Молиявий саводхонлик бу молия бозорида реал молиявий операцияларни амалга оширишда инсон молиявий компетентлик даражасини намоён этишидир.
Стахович Л.В. [14]	«Молиявий саводхонлик – бу инсоннинг мактаб, колледж, олий ўқув юртларида эгаллаган молиявий-иктисодий билимлари билан ҳаётида шаклланган кўникумаларини қамраб олади.	Инсоннинг молиявий саводхонлик асослари таълим масканларида олган билимлари билан ҳаётида орттирган малака ва кўникумалари асосида шаклланади.
Вахабов А.В. [9]	«Молиявий саводхонлик – фуқаронинг молиявий маҳсулотлар ва хизматлар бозорида актив позициясини эгаллаши, жамиятда ўзи ва оила аъзоларининг турмуш фаровонлигини ошириш учун зарур билим ва кўникумаларининг йиғиндиси сифатида намоён бўлади.	Инсоннинг молиявий саводхонлиги бу унинг билим ва кўникумаларини молия бозори хизматларидан самарали ҳамда фаол фойдаланишини англатади.
Шадманов Э. [10]	Молиявий фикрлаш – бу маблағларни инвестициялаш бўйича қарорларни баҳолаш малакаси ва хатти-ҳаракатлариdir.	Молиявий фикрлашининг ривожланиши иқтисодий фаровонликни таъминлашда аҳолининг молиявий ҳолати ва таркибий тузилишининг ижобий ўзгариши баён этилган.

саводхонлиги даражасининг ортишини мамлакат иқтисодиётига таъсирини аниқ баҳолаш имконияти вужудга келади. Шу билан бир қаторда молиявий саводхонликни ошириш бўйича оқсаётган соҳаларни тўғри баҳолаш мумкин бўлади.

Инсоннинг индивидуал молиявий саводхонлиги унинг шахсий хусусиятларига боғлиқ ҳолда, молиявий ресурсларни бошқариш бўйича индивидуал тарзда қарорларни қабул қилишида

ўз аксини топади. Ушбу бўғин молиявий саводхонликни оширишнинг қалити ҳисобланади.

Хонадон хўжаликларининг молиявий саводхонлиги даражасининг ортиши ва оиласий бюджетнинг рационаллашуви натижасида хонадон хўжалиги молиявий фаровонлигининг ортиши билан бир қаторда, хонадон хўжалиги аъзоларининг молиявий хизматларга бўлган талабининг ортиб боришида намоён бўлади. Бунда хонадон хўжаликларида молиявий ресурсларни

1-расм. Молиявий саводхонликнинг кўлами асосида гуруҳланиши¹.

режалаштириш горизонтал кенгайиб, хонадон хўжалиги аъзоларининг молиявий хавфсизлиги таъминланади.

Худуднинг молиявий саводхонлиги ушбу ҳудудда истиқомат қилаётган аҳолининг молиявий билим, кўнирма ва малакаларининг ошишида, ўз ихтиёридаги молиявий ресурсларни самарали бошқаришда намоён бўлади. Шунингдек, ҳудудда тадбиркорлик фаолиятини самарали ташкил этиш ва бошқаришда муҳим аҳамиятга эга.

Бизнес соҳасидаги молиявий саводхонлик тадбиркорлик фаолиятини мувваффақиятли ташкил этиш ҳамда пул ресурсларидан ва молия ташкилотлари хизматларидан самарали фойдаланган ҳолда ўз фаолиятини кенгайтиришда ўз аксини топади. Бу молиявий хизматлар кўрсатувчи компанияларнинг капитализациялашви ҳамда активлар миқдорининг ошишига ижобий таъсир кўрсатади.

Иқтисодиётнинг маълум бир тармоғи бўйича молиявий саводхонлик ушбу тармоқдаги молиявий маҳсулотларнинг сифимкорлиги даражаси билан ўлчанади. Инновацияларни амалиётга татбиқ этиш жадаллашиб, инновациялар жорий этилаётган тармоқ учун хизмат кўрсатаётган молия бозорининг спекулятивлилк даражасининг пасайишига туртки бўлади ва ушбу иқтисодиёт тармоғида аҳолининг

инвестиция киритиш имкониятлари аста-секинлик билан кенгая боради.

Мамлакат аҳолисининг молиявий саводхонлиги даражаси - давлат томонидан мазкур йўналишдаги таълим дастурларини амалга ошириши, молия ташкилотлари инфратузилмаси ривожланганлик даражаси, ҳамда молиявий хизматлар оммаболлиги кўлами билан баҳоланади. Мамлакат аҳолисининг молиявий саводхонлиги даражасининг ортиши давлат томонидан молиялаштириладиган тармоқларга аҳолининг шахсий жамғармаларининг инвестициялашуви жараёни билан ўрин алмашган ҳолда аста-секин камая боради. Натижада давлат бюджети харажатлари камаяди.

Амалга оширилган тадқиқот натижаларини умумлаштирган ҳолда молиявий саводхонлик тушунчасига қуйидагича таъриф бериш мумкин: "Молиявий саводхонлик – бу ижобий молиявий хулқ-атворга, таянч иқтисодий-молиявий билимга, кўнирма ва малакаларга эга бўлиш билан бир қаторда, тасаррufидаги молиявий ресурсларни, қисқа ва узоқ муддатли режалаштириш ҳамда бошқаришда самарали қарорларни қабул қилишини билдиради. Аҳоли молиявий саводхонлиги бу молиявий ресурсларни бошқариш жараёнида самарали қарорларни қабул қилиши, ҳақ-хукуқларини билиши, турли молиявий-иктисодий рискларни тўғри баҳолай олишини англагади. Инсоннинг молиявий саводхонлиги даражасининг

¹ Муаллифлар томонидан тузилган.

ортиши, унинг турмуш фаровонлиги даражаси билан тўғри мутаносиблиқда боғланган. Яъни инсоннинг молиявий саводхонлиги даражасининг ортиши унинг турмуш фаровонлигининг ўсиб боришига тўғридан-тўғри таъсир кўрсатади, ёки аксинча". Таклиф этилаётган "молиявий саводхонлик" иқтисодий категориясига берилган муаллифлик таърифидан келиб чиқсан ҳолда, аҳолининг молиявий саводхонлик даражасининг таркибий компонентлари 1-расмда келтирилган тартибда гуруҳланиши мақсадга мувофиқ. 1-расмда келтириб ўтилган инсон молиявий саводхонлиги даражасининг таркибий компонентлари бевосита мамлакат миқёсида аҳолининг молиявий саводхонлик даражасини баҳолаш мақсадида амалга оширилаётган тадқиқотлар жараёнида қўлланилиши унинг комплекслилиги ва аниқлилигини янада оширишга хизмат қилади.

Шунингдек, келтирилган гуруҳлаш амалиётидаги таркибий компонентларга қуйидагича таъриф бериш мақсадга мувофиқ: Таклиф этилаётган молиявий саводхонлик категориясига берилган муаллифлик таърифидан келиб чиқсан ҳолда, аҳолининг молиявий саводхонлик даражасининг таркибий компонентларининг 1-расмда келтирилган тартибда гуруҳланиши мақсадга мувофиқ.

2-расмда қўлланилган гуруҳлаш амалиётидаги таркибий компонентларга қуйидагича таъриф бериш мумкин:

молиявий билим – инсоннинг молиявий маҳсулотлар (депозитлар ва кредитлар) хусусиятлари, инфляция, риск, солик, ва суғурта ўртасидаги муносабатларини англашини билдиради;

молиявий кўникма ва малака – аҳоли ўз даромад ва харажатларини режалаштириш, иқтисод қилиш, молиявий маҳсулот ва хизматлардан фойдаланиш, молиявий шартномалар билан танишиш, уларнинг мазмунини тушунган ҳолда имзолаш кўникмалари ва малакаларига эга эканлигини билдиради;

молиявий компетентлик – бу аҳолининг молиявий билими, молиявий кўникма ва малакалари асосида кундалик ҳётида самарали молиявий қарорларни қабул қилиш қобилиятини акс эттиради.

Молиявий саводхонлик тушунчасига нисбатан билдирилган назарий қарашларнинг мазмуни турлича бўлсада, уларнинг ягона ғояси – бу инсон молиявий мустақиллигини ва фаровонлигининг асосий шарти бу унинг молиявий саводхонлиги билан боғлиқлигини таъкидлашдир. Молиявий саводхонлик тушунчасининг назарий асосларини тадқиқ этиш муҳим ҳисобланади, сабаби

аҳолининг молиявий саводхонлигини ошириш бўйича давлатлар томонидан ишлаб чиқилаётган турли стратегия, концепция, дастур ва чора-тадбирларни мукаммал ишлаб чиқиш ҳамда уни амалиётга самарали татбиқ этишда молиявий саводхонликнинг назарий асослари муҳим аҳамиятга эга.

Хулоса ва таклифлар. Аҳолининг молиявий саводхонлигини оширишнинг назарий асосларига бағишлиланган тадқиқотлар жараёнида қуйидаги хулосалар олинди:


Биринчидан, молиявий саводхонлик – бу ижобий молиявий хулқ-атворга, таянч иқтисодий ва молиявий билимга, кўникма ва малакаларга эга бўлиш билан бир қаторда, ўз тасарруфидаги молиявий ресурсларни, қисқа ва узоқ муддатли режалаштириш ҳамда самарали бошқариш тажрибасига эга бўлишни билдиради.

Иккинчидан, молиявий муносабатлар замонавий инсон ҳаётининг барча соҳаларига таъсир қилади. Молиявий саводхонлик инсонга ўзининг молиявий фаровонлигини бошқариш имконини беради. Элементар молиявий билим ва кўникмаларнинг йўқлиги инсонларнинг молиявий фаровонлигини таъминлаш учун тўғри қарорлар қабул қилиш қобилиятини чеклайди.

Учинчидан, молиявий саводхонлик кўлами бўйича индивидуал, хонадон хўжалиги, бизнес соҳасидаги муносабатлар, маълум бир иқтисодиёт тармоғи бўйича, яхлит давлат бўйича гуруҳларга ажратиш мақсадга мувофиқ. Бу турдаги гуруҳлашни амалга ошириш орқали аҳоли саводхонлиги даражаси ортишининг мамлакат иқтисодиётига таъсирини аниқ баҳолаш имконияти вужудга келади.

Тўртинчидан, аҳолининг молиявий саводхонлиги даражасини аниқлашда инсонларнинг базавий молиявий билимларга эгалик қилиши, уларда молиявий ресурсларни бошқариш бўйича кўникма ва малакаларнинг шаклланганлиги, ҳамда молиявий ахборотлардан ҳабардорлик каби мезонларга асосланилади. Ушбу уч компонент ва уларнинг таркибий элементларини ўрганиш мамлакатдаги молиявий саводхонлик даражасини баҳолашнинг содда усули ҳисобланади. Бозор иқтисодиёти шаклланадиган мамлакатлар амалиётида ушбу методологияни қўллаш орқали аҳоли молиявий саводхонлигини ошириш бўйича дастлабки чора-тадбирларни ишлаб чиқиш имконияти ва заруриятини аниқлаш мумкин. Мамлакат иқтисодиёти ривожланиб бориши натижасида молиявий муносабатларнинг иқтисод ва молия / экономика и финансы 2022, 5(153)

2-расм. Инсон молиявий саводхонлиги даражасининг таркибий компонентлари¹.



тобора мураккаблашуви ушбу методологиянинг самарадорлигини пасайтириши мумкин.

Ўзбекистонда аҳолининг молиявий саводхонлигини оширишнинг долзарблигини эътиборга олган ҳолда мамлакатимизда қуйидагиларни амалга ошириш мақсадга мувофиқ:

- мактаб ўқувчилари, академик лицей ва касб-хунар коллеклари, олий ўқув юртлари ўқув режасига молиявий саводхонлик фанини киритиш;

- мактаб ўқувчилари, академик лицей ва касб-хунар коллеклари, олий ўқув юртлари талабалари ва ўқувчиларининг молиявий саводхонлиги даражасини ошириш, жумладан, ёшларга таянч молиявий билимдонлик асослари

бўйича билим, кўнникма ва малакаларни шакллантириш имконини берувчи электрон дарслик, видеодарс, мобиль илова яратиш;

- аҳоли ва тадбиркорларнинг ислом молияя йўналишида билим, кўнникма ва малакаларни ошириш, жумладан, илмий-оммабоп мақола ва китоблар тайёрлаш, чоп этиш, тижорат банкларида босқичма-босқич ислом тамойиллари асосида банк маҳсулотларини ишлаб чиқиш ва хизмат кўрсатиш, ОАВларида шу мавзуда маҳсус эшиттириш ва кўрсатувларни ташкил қилиш;

- меҳнат лаёқатига эга бўлган аҳолининг касбий йўналишларидан келиб чиққан ҳолда молиявий саводхонлик даражаларини баҳолаш

¹ Муаллифлар томонидан тузилган.

ва уларни ошириб боришга қаратилган чоратадбирларни амалга ошириш;

– оммавий ахборот воситалари орқали аҳолининг молиявий саводхонлигини оширишга йўналтирилган кўрсатувларни, теле ва радио викториналарни мунтазам аҳолига тақдим этиб бориш;

– тадбиркорлик субъектлари учун мўлжалланган молиявий саводхонлик дастурларини ишлаб чиқиш;

– молиявий ташкилотлар ҳузурида жумладан, тижорат банклари ҳузурида "мижозларнинг молиявий саводхонлигини ошириш марказлари"ни ташкил этиш;

– аҳолининг молиявий маҳсулотлар, хизматлар, молия бозори, унинг таркибий компонентлари тўғрисидаги билим ва кўникумаларини шакллантириш;

– аҳолининг турли ижтимоий қатламлари учун мўлжалланган молиявий саводхонлик таълим дастурларини ишлаб чиқиш;

– аҳолининг молиявий саводхонлигини оширишда давлат ва жамиятнинг ўзаро таъсир механизмини ишлаб чиқиш. Масъул ташкилотлар ва корхоналарнинг аҳолининг молиявий саводхонлиги даражасини оширишдаги мавқеи ва масъулиятини кенгайтириш.

Адабиётлар рўйхати:

1. Ўзбекистон Республикаси Президентининг 2022 йил 28 январдаги «2022-2026 йилларга мўлжалланган Янги Ўзбекистоннинг тараққиёт стратегияси тўғрисида»ги ПФ-60-сон Фармони.
2. Ўзбекистон Республикаси Президентининг 2021 йил 13 апрелдаги «Капитал бозорини янада ривожлантириш чора-тадбирлари тўғрисида»ги ПФ-6207-сон Фармони.
3. Ўзбекистон Республикаси Президентининг 2019 йил 23 иблдаги «Микромолиявий хизматлар оммабоплигини ошириш чора-тадбирлари тўғрисида»ги ПҚ-4400 сонли қарори.
4. Drucker P.F. Post – Capitalist Society. – Oxford Butterworth: Heinemann, 1993. – Р. 271;
5. Вахабов А.В., Жумаев Н.Х., Хошимов Э.А. Жаҳон молиявий-иқтисодий инқизорзи: сабаблари, хусусиятлари ва иқтисодиётга таъсирини юмшатиш йўллари. Монография. – Т.: «Akademnashr», 2009. – Б. 6-7.
6. Müller S. & Weber M. (2010). Financial Literacy and Mutual Fund Investments: Who Buys Actively Managed Funds? Schmalenbach Business Review 62 (2). – Р. 126-153;
7. Lee N. // Financial literacy and financial literacy education: What might be the components of an effective financial literacy curriculum? // Institute of Education University of London. 2010 - Р.3;
8. Кийосаки Р.Т. Богатый пapa, бедный пapa / Р.Т.Кийосаки. – «Попурри», 2011. – С. 33;
9. Moliyaviy savodxonlik asoslari. O'quv qo'llanma/ A.V.Vaxabov, Sh.A.Tashmatov, N.X.Xaydarov, A.V.Vaxabov. – Toshkent: Baktria Press, 2013. – В. 14;
10. Шадманов Э., Хасанханова Н. Теоретические основы экономического мышления. Монография. – М.: «LAP LAMBERT Academic Publishing RU», 2020. – С. 64.
11. Совершенствование национальных стратегий финансового образования. Совместная Публикация председательства Российской Федерации в «Группе двадцати» и ОЭСР. OECD., 2013. – С. 5.
12. OECD/INFE International survey of adult financial literacy © OECD., 2020. – Р. 21.
13. "2001-2023 йилларга мўлжалланган Молиявий хизматлар оммабоплигини ошириш миллий Стратегияси", Молиявий хизматлар оммабоплигини ошириш миллий стратегиясини ишлаб чиқиш ва келгусида амалга ошириш бўйича мувофиқлаштирувчи кенгаш томонидан тасдиқланган. Тошкент, март 2021 й.
14. Стакович Л.В. Необходимость повышения финансовой грамотности молодежи как важнейший приоритет государственной политики. <http://ecsocman.hse.ru/text/33372918/>.